

分疆錄卷之三

邑人林 鶚纂輯

男 用霖續編
同里董憲曾參校

建置

建官立治以為民坊雖在彈丸下邑仰奉

皇靈制度固其要也秦邑規模雖小自設縣以後凡所以保障斯民之舉已無不備特三百年來因革時有不同其中正多名存而實已非事廢而蹟僅在者矣然往制遺規尚有足述茲就舊跡分別錄之
近日增置亦備書焉舊志有附會者不敢濫贅

城池

分疆錄

卷之三

建置 城池

一

秦之初設縣也力未及城嘉靖六年仍有曠寇之害賴典史鄧公鏐督捕賊勢始潰時通判儲公日宗按縣招撫鄧以縣城請謀於知府丁公瓚上其議當道可之九年發帑銀五千餘兩委同知高公美總其事鄧董其工後知府趙公錦復給銀八百九十兩石奇工始竣云

初城周圍約三里西北跨鳳皇山前跨霞暘山計九百餘丈內外馬路基廣二丈二尺高二丈嘉靖己未十月倭寇入縣境知縣區公益以民力增高七尺厚一丈八尺拓南城九十丈更四城門舊名東曰宣陽

南曰迎薰西曰受成北曰拱辰各建樓覆之城外爲池深三尺廣六尺東南北隅水門建屋其上屋久舊城內水繞霞山麓沿地軸山而南明季爲妄談理氣者改鑿由西南而出

敵臺一座在霞暘山城上明萬厯時知縣林繼志築國朝順治六年閩寇圍城參將王曉力戰却之曾於四門外各加月城康熙十年知縣林天楨增樓櫓木柵今俱廢

按雍正志載雍正六年知縣朱國源重修城垣及水陸門樓四座百餘年來圯壞者皆煥然一新云

分疆錄

卷之三

建置

城池

二

云此等語蓋全虛也未上海人由巡檢巧宦陞縣性貪鄙而狡猾極得城紳懽時道厰修海船檄縣採買樟木杉木朱竟盡封各鄉大木爲欽工木薄給價自爲生理運江達上海於是官親幕友皆爲木客入道厰無幾也鄉民不堪其擾上控疊疊將委官勘乃將衙署學宮神廟橋亭皆用硃塗聖偏題其梁曰某年月日知縣事朱某重建重修以抵伐木之款城樓亦硃塗改新匾而已宣陽門之改爲陽春則朱之爲也修志卽在是時城衿周奕燈主之遍入巨室善行以塞其口其尤謬者妄將

奕燈祖周良武入鄉賢祠道光間重葺縣先生著

府縣特攻之過激故未獲准然鄉賢苟非人為儒林有著作足以羽翼聖教者不足以當之良武即有善行要非士類中人豈有鄉賢全無事實但憑一夢謂有冥報遂濫廁聖域哉奕燈亦

立生傳朱令之事闔邑多所記載故老歷歷相傳

祇緣穢志流傳妄題梁匾欺人耳目以致咸豐署

令楊某遂欲以朱入名宦祠商之邑紳絕無應者

事乃中止可知此志之貽誤後人未已也且縣志

久不克修之故亦因舊志蕪穢已甚不能不刪欲

刪舊志宜先正祀典近日又謬有欲正祀典則歷

久難草此非賢有司為之主而賢紳士為之輔不

分疆錄

卷之三

建置 城池

三

能也葺爾彈丸風氣日下剛正有識紳士百不得

一賢有司益難遇矣吾泰將終無志書乎抑猶有

待歟

城自乾隆嘉慶以來太平日久保障胥忘間有塌壞

遇駐防將官認真與縣官言尙能隨時補缺自道光

以來州縣疲敝邑無實任官城壞不修缺愈多矣至

咸豐時寇警日近城紳永康教諭潘庭梅倡修為之

加女牆焉

街市附

直街自迎恩亭在舊皇華館前入東門經三峯寺前過太平

橋爲北門街達三級步經士林坊再西爲縣前街至登俊坊轉西爲公館前至西門外止公館久廢今惟自新所流入所

居地名公館後

陽心街初董氏田街由南門外興文橋至毓秀坊轉西接

登俊坊大街毓秀坊左接董氏義路北達三級步街

又一小巷直出至溪此董天香所捨基地路旁有碑

太平橋下東北水合流處兩旁順流各有路至城隍

廟前止知縣王公克家所闢義民張洪捨基財有碑

在太平橋旁

駐防營前橫巷下達陽心街上達縣前街亦名三級步

疆錄

卷之三

建置 城池

四

公署

縣衙在鳳皇山下前對萬羅山地勢畧高特據一城

之勝堂構規制完備其內外建造多前明之舊

本朝間有修改均詳舊志近於同治二年署縣事

左兆薇復建二堂於大堂之後舊二堂改爲花廳

餘仍舊

典史衙在縣衙右

舊尙有縣丞及主簿衙裁後久廢

舊巡檢衙

一在三魁龜巖溪南隆慶二年裁基闢爲田入東

嶽廟同治間里人邱氏以附郭田易之

一在洋望舊屬平陽四十都其地至今有官廳後官倉洋之名

一在三尖舊屬瑞安五十六都

以上二巡司據金華蘇伯衡平仲集補錄 霖按

平仲集元樞密院判官周誠德墓表至正末誠德

兄嗣德鎮平陽總制瑞安誠德佐之剿寇刻徑口

小龍南山掇三魁蕩三港四谿百丈莒岡諸砦擒

斬其酋分北其徒黨復松山崇政洋望方山三尖

五巡檢司又鎮撫譚濟傳洪武七年調平陽會私

分疆錄

卷之三

建置

公署

五

鬻鹽者六百餘人入瑞安之百丈篠村殺三魁巡

檢濟領軍悉捕送獄明年青田葉保五謀反處州

衛檄温合捕濟率梅頭東山高樓三魁洋望仙口

六巡檢司往會處州軍於楊山寨破之又指揮僉

事王銘傳洪武五年八月莅温瑞安民周廣三

成集作茗等盜弄兵三魁衆至六百餘殺巡檢又

千戶謝成傳青田沐溪今景甯縣民周大豹等以鬻鹽

溢出平陽殺三魁巡檢又按劉文成集公初言於

上厲栝之間有地曰談洋及抵福甯界曰三魁元

末頑民負私鹽因挾方寇以致亂累年遺俗未革

宜設巡檢司守之是則洋望三尖二司係宋元時設三魁則設於洪武初年或有記爲洪武十四年設誤也

一在牙陽上村正德間知府何公文淵議設隆慶二年裁基存

一在池村溪邊明知府何公文淵議設奏編弓兵百名後漸減止存三十八名本朝定三十六名乾隆元年移設永嘉西溪司基現爲學田

倉廩舊有慶豐預備二倉在縣治後嘉靖四年知縣蔡芝遷於拱辰門內國初已廢康熙中城鄉富

分疆錄

卷之三

建置

公署

六

室捐穀始爲常平倉續又先後建倉二十餘間今僅存縣衙儀門及左廊東數間餘俱廢圮

駐防衙在洋心西街

舊皇華館在東門外久廢

舊公館一在東門內一在西門內一在洪口一在莒

岡一在龍門俱明時置今久廢

舊陰陽學在西門公館之左久廢

舊醫學在西門公館之右久廢

校士館在羅陽書院之左原係舊學宮基道光四年遷學宮於城隍廟前改舊大成殿爲文昌祠祠外

餘地闢田與城隍廟易基十九年訓導章瑩捐廉
授邑紳潘浦建奎閣於祠前二十三年邑紳陶化
龍倡建校士館於文昌祠前改高奎閣閣下爲至
公堂兩廂爲號舍另置田入城隍廟以易基地有
碑見藝文

養濟院在東門外嶽廟右偏 國初建舊志稱雍正
五年知縣朱國源捐俸改建於縣治後并刊新遷
養濟院記於藝文虛妄之一端也

學校

學宮在南門內城隍廟前

分疆錄

卷之三

建置 學校

設縣以來學宮凡數遷初建於縣治右掖宏治已
酉推官周珙知縣范勉教諭王鑾等改建於舊三
峯寺右嘉靖辛卯知縣劉友德改遷於太平橋左
辛亥知縣蔡芝教諭吳國器又遷於舊三峯寺以
現基與三峯寺對易萬曆辛丑邑紳董良度高大
任改卜於霞山之右 國朝道光四年知縣歐陽
炳復遷於南門內城隍廟前規模循定制惟明倫
堂仍在舊學宮今文昌祠之後忠義節孝祠亦仍
舊未改鄉賢名宦神主則附於大成門左而祠亦
未建

教諭衙舊在東廡後久廢今居明倫堂後
訓導衙在舊學宮崇聖祠左

本學舊有學田租銀歲科兩考解學院分給貧生
爲禮胥管理虛糜今仍歸入兩學

舊敬一亭

舊尊經閣

射圃舊有觀德亭均在明倫堂之右今俱廢碑存

羅陽書院舊在地軸山下明知縣區益建僅前後各
三間後任王克家重修 國初燬於兵燹乾隆十
七年知縣楊人傑改建於赤砂之右與明倫堂比

分疆錄

卷之三

建置 學校

八

鄰講堂五間左右兩廂俱三間後樓廳五間兩廂
各五間中門外爲儀門五間爲齋夫住房嘉慶間
董事潘汝梅等重修一切需用器物齊備今漸散
失矣 按書院旣設時城鄉舊家及東安寺僧均
捐有田爲山長束修及諸生膏火之費田畝載書
院章程冊

義學在舊學宮前正廳五間樓舊爲文昌閣大門上
爲奎星閣左廂三間爲庖湏之所康熙間建舊志
稱雍正四年知縣朱國源改建文昌閣設經學塾
且以前任充人之義學田及董姓捐入洋望莊陽

之田膏爲捐俸置又稱在三聖殿開啓蒙塾三聖殿在西門不過一小廟當時或有蒙師借以訓蒙遂藉以自文飾虛妄一至於此按義學田畝見舊志及近刊賓興事例

隆文書塾在一都裏莊里人林紹昌建以課族中子弟置田二十四畝設立章程以垂世守

竟成書塾在四都篠村乾隆間里人林鳳鳴建以課族中子弟又文峯書塾一區在篠村東陽乾隆間里人林伯穆建爲其族訓蒙之所

廣成書塾在城南霞陽之左里人周啓耕建課族中子弟

分疆錄

卷之三

建置 學校

九

社學舊志所載凡二十二處俱係各鄉村蒙學今久廢或有後設者時舉時廢亦無定所故不贅

倉儲

常平倉穀貯縣厥康雍乾隆以來城鄉富室前後捐入原額無攷道光初尙有一萬二千石除徽爛外尙有實穀八千餘石每遇歲荒富民借領以濟缺乏秋成納還咸豐八年粵寇陷處州府憲王公景澄檄提倉穀五千石碾米解青田海口大營經職員林用霖潘鍾英全衆紳士等以邑逼近恬境外

寇內荒別無所恃稟請轉申乞留以備不虞蒙准
免提後以寇警日逼城防局僉請借倉穀接濟隘
勇口糧計費一百五十石事平後蒙王公准歸軍
需開銷免補同治元年平陽會匪未靖粵寇連陷
青田景甯攻瑞安城防局員教諭沈應奎同委員
林用霖稟道府借倉穀接濟各隘口鄉勇口糧計
用四百二十四石事平於東南各鄉未與防堵之
處勸捐買補入倉在案惟其時因閩省北路統領
曾觀察憲德札派候補知縣徐承禧參將楊鳳元
等陸續賫餉來泰防勦署縣顧鏞開倉碾米糶與

分疆錄

卷之三

建置 倉儲

十

兵勇約開穀二千四百石欲作軍需報銷雖蒙上
憲批駁不准開銷而此項仍未買補以此糜費現
存倉穀約五千餘石他日修志有案可稽

社倉在昔時各都多有明季咸以歸官盡廢 國朝
久不舉行道光初篠村庠生林學泗倡立社倉以
章程不善不久亦廢咸豐三年林鶚於南院倡行
之因立章程刊勸各鄉後惟生員吳庚三行之下
洋 周樹椿行之嶺北餘無應者然原擬章程
頗協情形並不難行姑附錄以質後之同志云

林鶚泰順社倉章程 附

社倉章程序

社倉之設爲救荒之善策當豐穰之秋取之富戶者不多而凶荒之歲實足以濟貧民而且轉借有息歲入有增所貸愈多所收愈廣年復一年有日增無日減自不患其難繼也特慮經理未得其人久而弊生則良法美意或格而不行耳今閱所議及分列各條詳備周至可永守無弊誠能率此而行之則由一鄉以推之一邑處處皆有蓄積豐凶有備凍餒無憂其所以周貧者卽所以安富豈不熙熙然共登春臺哉是所望於良有司之實力而奉行耳甲寅二月觀察

分疆錄

卷之三

建置

倉儲

十一

使者松石俞樹風書

泰順社倉議

原夫世風之壞由於人滿物勞民氣不靖一遇歉歲有司不善調劑遂相率爲盜賊儻遇時政廢弛寇賊蹶張之時難免有聞風騷動者矣當此之時朝廷非無救荒之政而補救於事後力必有所不逮故救荒不如備荒此古人常平義社倉儲之所以歷朝不廢也今則州縣空虛常平有名無實義社倉更廢久矣民不自籌備將何恃乎且社倉之設在吾泰爲尤急吾泰山多田少生齒繁衍全仰給於番諸管子所

謂野悉辟而民無積國地小而食地淺也故去歲番
諸薄收窮民遂覓嗷嗷加以地僻錢艱民於本務外
絕少活計又鄉無米行糶戶米攤無常業飢民專仰
哺於富戶分給難周歛恩成怨此欲凶歲無滋事已
難卽有嚴法能制之亦餓殍盈道矣言念及此有粟
者能無悚然有心者能無惻然故議社倉匪惟恤貧
實期安富而籌之今日所謂七年病求三年之艾不
蓄終身不得者也所難者富鄉少窮鄉多雖有慷慨
好施君子小惠不徧仍無裨於全局晝夜思維辨駁
乃得簡而易行儉而能徧助民無多而民氣已靖富

分糧錄

卷之三

建置 倉儲

三

戶已安之一策具列數條為智者嚆矢惟同志者誨
其未逮幸甚林鶚謹議

一 社倉穀本按田租抽釐頭隨田所在之處另倉存
貯初年未能造倉暫借倉寄存有仗義捨倉入眾
者聽

一 富戶租穀無論在家在莊買業當業一體捐輸自
有租五百觔起五十取五百觔捐十觔人社倉

一 學田書院神廟茶亭渡船等田不捐
勸捐不論豐歉從咸豐四年起六年止連納三年

一 有奸義之鄉自願加捐幾年者聽
自聚穀之後各鄉卽擇其在地公正殷戶三人一

一 執秤印一執鑰匙一執帳簿扶同管理
存倉穀每年隨其地收成遲早待青黃交接之時

一 擇日開倉出借先於五日前貼字通知
社倉原為務本貧民設凡貧而耕作無錢買穀者

一 視其佃種多寡量其力能完納酌量借去俟秋成
加利送還大熟年收利三分中等年收利二分下

一 等年收利一分大歉年無利亦先由管理者粘字

通知限日上倉未知其人者熟識人保認
社倉借戶每年清欸不得送利坐本不得勒保勒
借聽管理人秉公酌議
社倉專備本地民食例不出村一切地方公事均
不許通融挪借違者管理人從重議罰
一 出借後倉有餘穀不得貪價出糶存備下年凶荒
俟積儲已盈公議酌抽變價買木料造倉
一 在城地大人多可分倉照式辦理如董潘王高梅
之族各為一倉或士林登俊等坊又各自為一倉
出入或渾舍為一或各倉分清聽主者會同妥議
近城鄉村田租多入城如其地有殷戶管理亦可
另立倉如不便立倉則凡送租入城之處即准向
城內社倉照式借食
一 社倉係民間公項地方官例不管理及挪借糶
買以廢地方公義
一 各地如已先有聚穀公項別為義倉不在此例
以上各條似可久行無弊但辦公全在有人如管理
不善難保久不廢弛然本年各地情形如此身受者
諒已深知欲挽一時民情以解來年凶急舍此別無
良法智者幸勿慮及久遠流弊因咽廢食更勿謂事
急補救無及遂坐
視不行也切囑

分疆錄

卷之三

建置

倉儲

三

南院社倉同治三年里人林鶚倡捐初議各姓莊租

照章抽三年後以吝捐者多僅抽二年得穀三千

餘斤今照章行之已二十年於貧民頗有裨益現

倉在圳下洋土堡

下洋坪社倉邑城庠生吳庚三置

林鶚下洋社倉序見藝文

嶺北社倉監生周樹椿於咸豐年間倡捐亦照章程

辦理後以獨力難持將穀本還原捐戶以息餘墾

田入其地社廟倉遂廢同治十年奉院憲文飭

行社倉知縣張寶琳以嶺北特貧委典史高善培

同樹椿勸捐仍照舊章辦理

仕陽社會同治十年董事庠生林滋楷奉 憲捐置

龜巖社會同治十年董事增生張仕三等奉 憲捐

置

在城義倉同治三年署溫處道周公開錫捐俸一百

下倡設各殷戶續捐置倉在縣衙前萬羅山麓

水利

下菴埧

在拱辰門外四里許灌田最多交洋口埧 在縣東東源埧 在

西二里川山洋埧 月山下埧 各埧大小溪口埧

大畝陽壩 裏莊埧 員洲埧 潭邊埧 池村

分疆錄

卷之三

建置 水利

兩

堰 左溪堰 俱一都 苜岡村頭堰 灌上下村 苜岡塘

俱二都 庫村堰 三都 蘇村堰 東陽長陽望羅亭坑邊更有小埧百十處俱不著名

上洪堰 下洪堰 小埧不計數 院口埧 俱四都 戩洲埧 小

不計數 南溪堰 北溪堰 東溪堰 西溪堰 以上

俱五都 四溪大堰 四橋底埧 坑源底埧 龜洋埧 庫

頭埧 以上仕陽 長洋埧 大洋埧 上下東溪堰

大小數 缸渡埧 上下察溪埧 南院埧 大小 毛

洋埧 大小 上下周洋埧 周邊埧 以上七都 牙陽

埧 大小 石鏡埧 補四都

以上堰埧畧舉有溪水可引者記之其餘山村引

澗水灌田者所在多有不能悉載

井泉 附

惠民井 在縣西二百步 范公井 舊縣學宮前明宏治五年知縣范勉立萬曆元年知

縣王克及泉井 在縣治左明知騰蛟井 在舊學宮家脩九年市民掘地篋引赤砂井 在東上非 在宣陽上

舊三峯寺泉以為井 復涼亢旱不涸 石城瑪瑙洋井 在受成井門井 在縣北莊冬暖

井 在莒岡上村井下村井 在二集雲井 在天湖山下 井 在四都葛陽西畔水 三娘井 在六都宋

下玉洋井 從巖出冬夏不涸 龜山左味安家井 在墜井故名 蓮池井 在七都龜山左味

安南泉 在迎薰雷分泉 在三都天湖山之北灌溉南泉 門外 甚廣明成化間大旱人爭

决之致門忽大風雷震 老古井 在武陽 仙乳泉 在中分其水為二道故名 清音泉 在都宋吳

伏味特 淡竹洲井 在六都冬清 葛家壟井 在拱辰門 清冽 在四都冬温夏涼 湯泉 在才陽水

泉 在六都西 蔡家井 在七都高陽 日月井 在牙村二井隔溪相望 日井 在才陽水

俗謂之火熱溪泉 幽僻鮮有知者 故舊遺失載如湯冬月尤烈 惜在幽僻 鮮有知者 故舊遺失載

香蘭井 在五都 聖泉 在六都 葛嶺村前御屏陡峻山脊僅盈丈至高至狹之處清泉一渦四時

不竭不溢夏涼冬温大旱禱雨輒應 故以聖名 雲連金精伏夏寒侵骨石氣凌冬暖吐烟不為九

宋王獻可聖泉詩絕頂清泉映碧天參差蕩漾紫年洪水溢耐經七載旱乾煎尾閭 仙池 在四溪西

消息江潮應曾記媧皇太古年 仙池 在四溪西

分疆錄 卷之三 建置 井泉 五

决之致門忽大風雷震 老古井 在武陽 仙乳泉 在中分其水為二道故名 清音泉 在都宋吳

伏味特 淡竹洲井 在六都冬清 葛家壟井 在拱辰門 清冽 在四都冬温夏涼 湯泉 在才陽水

泉 在六都西 蔡家井 在七都高陽 日月井 在牙村二井隔溪相望 日井 在才陽水

俗謂之火熱溪泉 幽僻鮮有知者 故舊遺失載如湯冬月尤烈 惜在幽僻 鮮有知者 故舊遺失載

香蘭井 在五都 聖泉 在六都 葛嶺村前御屏陡峻山脊僅盈丈至高至狹之處清泉一渦四時

不竭不溢夏涼冬温大旱禱雨輒應 故以聖名 雲連金精伏夏寒侵骨石氣凌冬暖吐烟不為九

淡溲村後池大不盈畝清泉四時不竭不溢相傳
國初時有汪姓樵者至池旁時方春仲見桃實盈
樹摘啖之甘美異常擬歸取筐採之及再
往則不復覩汪後壽至百餘歲無疾而終

津梁

太平橋 在縣治東明正德間洪水冲壞知縣劉桐
二年圯知縣潘翼橋 在書院前廻瀾橋 在義學右

仲蘭重建有碑 翼橋 乾隆間建 廻瀾橋 道光間建

靖安橋 在城隍廟旁霞 興文橋 在迎薰門外善名

九年知縣區益重建崇禎三年知縣潘仲蘭重建

知縣涂鼎鼐完其工改名興文有碑 國朝康熙

六十年知縣登雲橋 又名鎮南橋在迎薰門外半

張仕驤重建 登雲橋 里許明正德間知縣劉桐建

萬歷間署縣通判車登雲重建知縣涂鼎鼐重脩

改名文昌橋有記俗名新橋 國朝董正揚新橋

詩甌山如髮紫閩山山自擁青鴉鬢火維之地

繡壤錯錦溪松谷相鬱環畫疆限以衣帶水危橋

分疆錄

卷之三

津梁

六

一道通百蠻吾祖命名有深意槐眉署以第一關
茲邑彈丸馭脫耳豈有都市羅闐闐往者曠徒互
出沒往往雜處羆與豕狡焉竊發山越性天判地
棘誰能芟孫公平寇設城邑手植檉杞除榛菅水
尾諸山層層束攢天巍巍不可攀茲橋聊以固吾
圉設險自絕頑夫頑得勢老羅當道固紛紛貉子
回其轅卽今時清忘既塞里老不聞爲詰姦水濱
木未崇結構竹屋仍餘三四間春鯨一鳴和哀壑
登樓兼可開心顏作詩我非 赤砂石橋 欄杆橋
紀佳勝敢告司牧維後艱 赤砂石橋 欄杆橋
俱在書鎮東橋 在陽春門外石板爲 洋洋橋 南
院之右 鎮東橋 橋明隆慶四年造 洋洋橋 南
陽橋 受成 赤坑橋 去城十里明萬歷 仙居橋 在城
五里明知縣郭顯宗建成化十九年六月洪水冲
壞宏治四年知縣范勉重建嘉靖三十九年崩圯
四十二年知縣區益重建今康 何公橋 在三灘小
熙十二年正月里人復造之 左溪洞橋 石角背
一都道光間訓導何公浚捐 左溪洞橋 石角背
錢一百貫授邑紳周異操建

橋邑紳陶迴瀾橋在一都池村百年念渡光緒年間

重建龔慶橋在一都池村司前咸豐年間里人

坑橋在城東三十稔舖上地橋屋有橋長慶橋在洪口

係木橋架屋年久傾圮咸豐年間邑紳陶陽疇橋

舊係木橋同治年橫溪橋在二際下橋舊橋已燬

屋十餘間又壞於水洪溪雙渡橋城東二洪坑

警渡橋城東四桂峯橋在四都舊橋狹隘明隆慶

口瞻守者使備商旅薪水之需旁立兩關以備不

虞葛溪橋珠嶺橋石鏡橋石渡橋察溪

橋在下萬安橋在葛家渡甯甯界光緒最清橋在

院舊為木橋架屋其上道光間燬咸豐八年咸豐

橋在最清橋下流亦八年石門橋永慶橋在

慶間建道光壬廣濟橋在葉嶼陽咸豐石墩橋在

都峽嶼橫溪石橋在七都咸西坑橋錦溪橋咸

丙辰本里薛族南溪橋道光壬寅里人包溪東橋

改建於下流會林三姓倡脩道光季年里人

間正間林正曙倡建道光北溪橋陳學謙等重脩

毛洋橋在七謝坑橋在六秀溪橋武洋上橋

武洋下橋俱五三條橋在七都此橋最古長數十

分疆錄 卷之三 七

舊漸就圯道光間里人蘓某獨猿嘯橋在七都大

力重建拆舊瓦有貞觀年號

蹟周洋新石橋同治十一年建下周洋橋道光間毓文

橋在周邊 峽嶼新橋同治八年里 赤巖前石橋紳

董國大藏橋在四都雍正七年 龜伏上下橋 淨水

橋 上洪橋 坑源橋 院口橋 東下橋俱四

牙陽橋 箸溪橋在籊陽水口下垂飛 文重橋在

村水口道光 小洋橋在四 玉巖石橋同治戊辰三

魁石橋舊橋久廢同治 障東石橋同治年間建 安

定橋在六都仕陽水尾 金獅橋 大鵬橋俱八保

定橋在六都仕陽水頭里人 永慶橋在孔 雙坑橋

一在一誠林兆雷同建 咸安橋一在左溪觀邊楊

坑名永定橋均咸豐年間里人陶琳捐建同治間

為洪水冲圯光緒丙子舉口橋在三都明

陶鴻年仍獨力捐建 津梁 大

分疆錄

卷之三

洪口渡在縣東四十里洪口舊 三灘渡在縣北十

都及景南嘉慶十一年邑紳周渭捐租八十貫以

瞻渡夫後遭大水冲壞僅存租三十貫○董暉三

灘晚渡詩飛鳥沒長天人歸古渡前秋聲寒木葉

月色淡溪煙隔浦漁歌晚遙山野燒連客情良已

俗喜近方村渡在莒 東溪渡今改為橋名障東嘉

舊林泉泰順縣志舊以漂沒為患饒文倡首告縣

八十里泰順縣志舊以漂沒為患饒文倡首告縣

置渡船仍自募眾置田以贍渡夫並建茶亭

江口渡 交溪洋渡 莒岡巖前渡通郡 嶺根渡

四洪口東渡通二都 嚴公洋渡三 馬跡渡 蟾宮

步渡 南向渡俱三都 東灣渡 仕陽渡通霞浦

交溪渡通福 北嶺下渡通福安 白鶴渡通青 鄭家

莊渡 靜安渡俱七都 百念渡一都池村前通景

橋於此其孫鴻年鶴年復建茶亭於百丈東渡

西渡都龍門渡三都通瑞安深潭渡通福牌頭渡通霞

鄉金鐘渡在三雙港渡在南葛家渡在七都通

橋久陳莊渡在

關隘舊志載羅陽第一關及桂峯東南關 歐西

第一關在一都上峴景甯界咸豐八年 黃楊隘在

門外十里白溪嶺頭抵壽甯界通慶元要道內峻

外平非扼要處故咸豐八年粵寇窺慶元景甯本

邑鄉兵進扼於上下排隘在六都福甯府為閩界要

十里雙港嶺在七都下臨交溪路通福甯府為閩界要

道牛頭隘在七都下臨交溪路通福甯府為閩界要 石門隘在七都

嶺頭前明鎮南關在七都霧溪黃家陽嶺頭外界

開礦時築在七都亦閩界要道俗呼

分疆錄

卷之三

建置

津梁

充

黃家排嶺隘在八都牙陽東南界福鼎佳陽前明

陽隘在八都牙陽東南界福鼎佳陽前明

即舊志中分分水排隘在三都三洋平陽順溪界

水亭隘也在三都三洋平陽順溪界

都紳士翁龍巖嶺隘在嶺北景甯界咸豐八年邑

煦等築防在嶺北景甯界咸豐八年邑

風門均隘在嶺北景甯界咸豐八年邑

以上關隘皆扼要處其餘舊志所載尚有附會者

數處又前朝鄉民避寇各寨今雖址有存者亦無

關係悉不復錄

亭站附 石亭詳古 又新亭俗名 仙居亭 嶺頭舖亭 陳

岱嶺亭 溪尾亭 嶺柄亭 茅竹下亭 交溪

舖亭 半嶺亭 嶺頭菴亭 半洋亭 毛洋亭

百步嶺亭 三灘亭 以上坊隅 大岡嶺亭 楊坑汎亭

雙嶺亭 葉巒亭 珠嶺亭 饅頭石亭 樂觀

亭 延壽亭 與樂觀亭俱在池村里人陶鴻年兄弟建 赤巖上下亭

觀光亭 在裏莊水尾 紡車嶺亭 上地排亭 上峴亭

以上一都 下浦亭 岩頭渡亭 楓樹亭 胡排亭

村頭亭 謝坑亭 橫溪亭 以上二都 新塘亭 蟾宮

步渡亭 南向渡亭 新亭 東灣坑渡亭 龍

門渡亭 項步亭 庫嶺亭 以上三都 周坑亭 洪口

東渡亭 燥坑亭 半嶺亭 嶺根渡亭 交陽

分疆錄

卷之三

建置 關隘

三

亭 川山洋亭 下察溪亭 楊家嶺亭 暗亭

上洪嶺亭 院口亭 磨石嶺亭 夏家山亭

桐坑亭 望樓亭 篠村亭 天馬山亭 蚊

蟲嶺亭 坳頭亭 以上四都 墘頭亭 武陽亭 以上五都

半溪亭 四溪頭亭 半嶺亭 陳陽隘亭 石

泉亭 青草坳亭 仕陽義渡亭 翁地亭 分

永亭 桂嶺亭 以上六都 南院亭 豆腐嶺亭 洗耳

亭 詳古蹟 毛洋亭 壽康亭 里人吳世芳朝勳為母七十壽建 長坑

亭 柘坪亭 望斗亭 交溪亭 北嶺亭 嗽

陽亭 洪嶺頭亭 奇伯嶺亭 大安亭 稗嶺

亭 霧嶺亭 黃家陽隘亭 三魁亭 章峯亭

詳古蹟以東溪亭 半嶺亭 嶺頭亭 墩頭亭

排嶺亭 玉塔亭 疊石亭 牙陽亭 以上八都

營汎 附塘舖

舊方村營在莒岡村尾明景泰元年布政司孫原
貞中軍駐兵處按察司軒輓等駐臺湖三港為後
援

舊戩洲營在戩洲兩溪中岡今謂之營背景泰元
年都督僉事李信駐兵於此

舊三魁營在龜巖北今謂之營岡景泰元年侍御

分疆錄

卷之三

建置 亭站

三

陳璠駐兵於此

舊仙居營在仙居東嶺景泰元年知府黃圯駐兵
於此

行營在龜巖明成化間設巡捕銀礦軍駐此嘉靖
元年邑令劉桐增建營房今俱圯

兵坪營在牙陽嘉靖間防倭軍駐此

石泉汎在六都巖山舊有額兵守之嘉靖初廢額
存

平橋汎在六都四溪有額兵守此

墩頭汎在八都有額兵守此

吳家墩汎在八都今廢

楊坑頭汎在一都有額兵守此

新亭汎在三都今廢

龍門汎在三都近設今廢

陳岱嶺頭塘在下稔

方村塘在莒岡

以上二塘舊時文武衙門公文皆塘兵遞送今皆用雨陽差役遞塘兵已撤

壇廟

社稷壇在城西三里歲時祭遵祀典

分疆錄

卷之三

建置 營汎

三

山川壇在城南三里歲時祭遵祀典

邑厲壇在城北二里歲時祭遵祀典

先農廟在東門外每歲致祭耕籍俱遵會典籍田

四畝九分在廟左

道光間邑紳潘浦倡脩

武廟在東門外嶽廟右後於縣治左掖舊學基右

又建新廟歲時祭遵祀典

東嶽廟在東門外

道光間邑紳潘浦倡脩

文昌廟舊以義學樓為閣以祀道光甲申即

宮改為廟移奉神主於內增塑神像而祀文昌元

代於舊崇聖祠

奎閣舊在義學大門樓上道光庚子訓導章瑩捐
建於今文昌閣前癸卯建校士館改建增高閣下
為至公堂

城隍廟舊在城東明天順甲戌推官温儀改建於
迎薰門內水門之左隆慶辛未知縣王克家重脩

萬厯間知縣林繼志涂鼎鼐先後重脩 國朝康

熙四十八年知縣曹紳重建雍正六年知縣朱國

源重脩以後厯脩無攷咸豐間董事周念銓重脩

名宦祠 祀明知縣郭顯宗范勉葉旭劉桐劉友德
區益主簿徐福昌教諭熊相訓導華楨

國朝有應祀者如陳先登楊人傑傳永綉李汝麟
莫景瑞尹占寅李品鑄周時翥八公遺愛在民至

分疆錄

卷之三

建置 壇廟

三

今傳頌自宜祖豆吾鄉惜久未舉報故
未與崇祀後有有心人當為補入也

鄉賢祠 祀宋林待聘徐履吳駟林拱
辰林逢龍徐震 國朝曾鏞

按二祠自 聖廟改遷後遂未
及建今僅附於大成門左右

忠義祠 祀歷朝忠義
俱見本傳

節孝祠 祀歷朝節孝
俱見本傳

二祠今在儒學署門左前有 勅建
忠義節孝坊道光間邑紳潘浦重脩

崇報祠 祀明尚書孫公原貞 國朝總督范公承
模以生員林宗椿配享祠久圯故老相傳

址在今訓
導署之前

附列傳

孫原貞名瑀以字行德興人也永樂進
士為浙江左布政使正統間閩浙盜起
命原貞參軍事右文武才多善政沙寇鄧茂七
括人葉宗留等流劫羅陽間民無甯宇公親帥

師討平之疏請割瑞安平陽地共一十八里置縣泰順之治自公始越甲戌括寇鄭懷肩等復聚官臺山四出剽掠公檄義士潘尹序陶文隆等率眾平之公歷官至兵部尚書泰人追思莫知所報隆慶六年知縣王克家特建崇報祠以祀之○范承謨字觀公遼東人順治壬辰進士康熙間為浙江巡撫時邑田多荒民苦賠累公接臨履勘題請蠲免後陞福建總督耿逆叛闔門殉難民感思其德請奉祀崇報祠事詳雜志

晏公廟在南院最清橋左

忠訓郎廟一在篠村一在武陽祀宋忠訓郎徐震

俗稱徐三公廟事蹟見本傳

莊濟王廟

在洪口及葛岡按神姓陳名逸唐時人居洪口幼有神力宅旁有竹林母命取竹以手握之竹皆破今有破竹林長操舟海上當歲除尚在閩境同舟者皆思家神曰各宜閉目來

分疆錄

卷之三

建置 增廟

畜

日可到家從之但聞舟戛林木有聲達旦已抵家矣人始異之既歿鄉人商於海遇風舟將覆忽見神於帆檣間自言姓名俄而克濟及歸立廟祀焉宋端拱二年封護國惠民侯宣和二年加護國二字德祐二年詔封護國惠民福善聖王元至正二十二年加封莊濟二字神每著靈江海間本邑各鄉多祀之俗稱大聖公廟瑞安志載

忠烈王廟

在洪村按神姓陶名仁備字昌國洪村人

鹽養親十八從軍有勞績二十四遇異人授脩鍊訣兄某以累繫獄神以術出之洪撫二州火災皆以疾風驟雨救之而止雲光中見大旗書安固陶二郎字守臣以此上達得封號宋元間累封南宮福主忠烈聖王廟食

風神廟

在南院地高患飄風每歲歉收咸豐初設社倉每屆開放先祀風神以祈穀收倉日

報賽自是風災稍息穀亦不蝕頗著靈異遂為立廟

勇烈祠

在四溪竹溪祀明贈勇烈夫夫林田俗稱忠臣廟

棲霞宮

在南門外祀陳夫人事蹟見吳任臣十國春秋

馬仙祠

祀孝女馬姑按馬姑景甯人見景甯縣志今城鄉多祀之龜伏一廟最顯

湯夫人祠

按神亦景甯湯坑人見景甯縣志

以上三祠各鄉皆有鄉民遇旱禱雨多應故祀之

寺宇

附

三峯寺

晉天福間初建於鳳皇山左翼宋祥符間賜額元至元間燬復建明嘉靖六年僧真

喜重建三十三年知縣蔡公芝遷寺於太平橋左

學基以寺基建學故此寺規模深廣僧道員加建

鍾鼓樓及僧舍康熙間僧台晉脩雍正間僧實育

重建兩廊○宋真山民三峯寺詩寂窳林煙噪亂

鴉青溪步入野僧家雲深不礙鐘聲出日轉還移

分疆錄

卷之三

建置

寺宇

三

塔影斜廊下蠅枯沿砌薛佛前蜂戀插瓶花竹床

紙帳清如水一枕松風聽煮茶○明桑瑜三峯寺

詩懸盡崎嶇路冷驂列上方林泉清宦况冠蓋減

詩狂風過葉堆地雨餘雲滿廊山僧憐寂寞茶罷

更焚香○董培遊三峯寺贈住持僧詩捉塵聊辟

塵惠風吹襟散徐步入花林象香分樹換天關紫

雲流地軸青霞燦仰面玩三峯冠落蓮池畔風松

盡辟支頰石皆鐵漢一笑虎溪濱悠然見彼岸○

附林鷄三峯寺觀牡丹詩閒步涉招提條然脫塵

鞵儵驚色相濃疑把優曇種結龕高齊檐主意殊

珍重南枝向日麗北枝露葉封小者琥珀孟大者

醍醐瓊紅雲五十朶朶佛仁蟻豈慮色界迷合

作諸天供幽賞意未釋感舊動離衷憶昔方少年

佛閣橫經誦春花愛護同禪榻清脩共別此事遠

遊塵躡幾倥傯忽忽甘五年顛倒華胥夢不見富

貴花徒把青春送今來花無恙對花我惶恐頭銜

增白髮老根易嫩蕪花開賞未遲我才竟誰用莫

參空色偈空色猶虛哄努力護韶華一語覺大衆

南峯寺在南峯山下古南臺庵元皇慶元年鴻臚

寺卿黃文光奏請賜額南峯康熙間僧寶

光重建○國朝董正揚宿南峯寺詩古寺藏山腹
當門更一峯客隨歸鳥集僧亦打包瀟落木和疎
磬秋陰澀夜鐘明朝朱嶺上巖壑更重重○董旅
過南峯寺詩一聲清磬度恍自隔塵寰地靜真宜
佛雲飛不礙山聽經幽鳥熟劇藥
老僧閒幻念何緣息安禪願未望

古崇壽寺 在池村龜峯左麓庚 補光緒五年僧廣
熙間僧法照重建 錄哲重建大殿

古無相寺 在木棉村胡盧峯右麓○宋葉適
亭子菊千株無相寺道中詩傍水人家柳十餘靠山
與僕抱樵趨絕澗隨僧尋磬禮精廬不知身外誰
為主更覺求

西峯禪院 在池村高 塔山下

古靈芝堂 在莒岡村中○明張孚敬靈芝堂詩此
地當年產石英蘭宮猶得舊時名我來
一宿棲雲榻古柏蒼巖倍秀靈五年兩度宿靈芝
風景依然似舊時鐘磬未鳴僧未起一天明月自

古廣度寺 在瑞峯山下久祀宋賢毛予中墓在寺
後有大石缸尚存○詳見葉適毛積夫

記墓

沓石菴 在莒岡村前西山後石室古名梅公洞在
懸崖之半右有石門沿壁而入洞上有細

泉下注如珠簾明僧太初卓錫於此僧俗姓張名
啓原號太初日本入洪武問入中國徧遊名山後
借徒大方入安固沓石山梅公洞焚脩續建山交
龍護寺預為生塔於寺南永樂丁亥三月朔入塔
端坐偈畢而逝年七十五著有語錄三卷○明夏
存沓石菴詩懸崖忽露石樓臺石下爭看紺宇開
別有一天間歲月更無寸地著塵埃金燈影漏雲
間電玉磬聲沈洞裏雷僧不出門春自老巖花隨
意點蒼苔○李顏沓石菴詩翠嶺晴開鳥道蟠梵
宮誰敢到雲端胸前有字佛原占眼底無塵界自
寬瀑撼懸崖晴亦雨風號峭谷暑猶寒我來乘月
長松下恍聽高僧誦涅槃○按羅陽詩始誤注即

題詩

新疆錄 卷之三 建置 寺宇 美

南隱菴南隱詩不合宜改正

景無足觀與詩不合宜改正

仙巖菴在江口北山後有石峽明僧太初於中闢

居遲秋興蓬說極登眺孤芳無好懷看竹且垂釣

偶爾會靈詮嗚然成絕叫上乘本忘言若為語錄

舒嘯聽松老頭陀掃除野狐竅時從入九徒荷篠自

聞古調我欲我達社惜年來相照頻示真率偈恍如

蕪願借珠光我行期過前溪後接遠公笑

香林寺在二都石柱峯旁深谷中俗名石角菴○

和尚為明遺老林增志國變後隱此員寂後葬寺

前山見林用蘇日談○附林鵲香林寺示石覺上

人詩十里五里道遙遊一灣兩灣溪水太古山

隨心月靜偶來人共慧雲留吟成非法佛微笑說

到無生石點頭自勞身

少清福得閒還是傍僧偷

古龍護寺在山交寺○國朝董正揚山交寺詩峽

東白雲歸拗谷天回明月入空潭深山盡日無人

到僧與秋猿共一龕○附林鵲遊龍護寺遇雨宿

雨花禪院題壁詩東雨壓窻清磬希柴門深掩綠

苔肥客來剝啄真無賴驚落寒梅花亂飛

靈峯寺在城東十五里又作林峯○國朝董正揚

孤雲外僧歸古渡頭山泉晴更響風

樹老宜秋日暮層陰合蒼茫動我愁

分疆錄 卷之三 建置 寺宇 七

五蒲菴在篠村君山

東畧禪堂在篠村

古羅漢寺在漢山今廢

龍溱禪菴在五都獅

印山禪堂在四溪

萃洋菴在四溪華陽明

正德二年里人 曾璵等重修

古觀音院在四溪九峯山下

崇化寺在六都東安梅峯之陽又曰東安寺○國

創歛升殿黑巢雙鵲廊空臥一僧塔鈴傳佛

興福菴在六都樟

古湧泉菴在七都西巖山麓宋

古玉嶼菴在七都明嘉靖間廢

寶林禪寺在八都馬頭山前俗名白巢○宋葛慶

迴廊出寺近寶林寺詩坐如有待思依依看竹

程坑菴在東溪

南隱菴在都疊石○國朝董正揚南隱菴詩小

分疆錄

卷之三

建置寺宇

天

相與飛遠瀑有時見樵歌何處歸道人誦經罷倚

杖采春薇○吳周禮假館南隱菴詩一菴高據絕

園底事首重同

積靈菴在入都

芳坑菴在四溪北溪○明知縣王介慶宿芳坑菴

暗只聞泉滴歷山青刺見鷺分明遠峯忽轉還如

祥善菴在入都秀溪

北溪菴在入都牙

池村觀音閣在迴瀾橋北畔光緒初

坊表

昇平人瑞坊三

一在一都裏莊為陳學孚建一在三都翁山為翁良馨建一在三都

稽陽為朱宗乾建詳人瑞

貞壽之門二

一在七都龜巖小溪邊為壽母邱賴氏建一在三都朱坑頭為朱鄒氏建

詳列女

節孝坊五十四

詳列女

分疆錄卷之三

終

分疆錄

卷之三

建置

三